



Kementerian Perdagangan Dalam Negeri
dan Hal Ehwal Pengguna



PERBADANAN HARTA INTELEK MALAYSIA
INTELLECTUAL PROPERTY CORPORATION OF MALAYSIA

KENYATAAN MEDIA

MyIPO ANJUR KURSUS PERSEDIAAN EJEN PATEN

KUALA LUMPUR, 3 Julai 2019 – Kursus Persediaan Ejen Paten merupakan kursus yang dianjurkan oleh Perbadanan Harta Intelek Malaysia (MyIPO) untuk membantu calon-calon yang mendaftar untuk menduduki Peperiksaan Ejen Paten. MyIPO merupakan badan berkanun yang mempunyai kuasa untuk mengiktiraf seseorang itu untuk menjadi ejen paten di Malaysia.

Kursus ini adalah untuk memberi kefahaman dan meningkatkan pengetahuan berkaitan bidang harta intelek. Para peserta kursus akan mempelajari subjek-subjek seperti berikut:

- i. Teknologi
- ii. Undang-undang dan Amalan Paten di Malaysia
- iii. Penderafan Paten
- iv. Undang-undang dan Amalan Cap Dagangan, Petunjuk Geografi dan Reka Bentuk Perindustrian di Malaysia
- v. Undang-undang dan Amalan Harta Intelek Luar Negara

Di samping itu, calon-calon kursus ini akan mendapat bimbingan daripada pegawai-pegawai harta intelek yang berpengalaman luas. Seramai tujuh orang tenaga pengajar akan mengupas dan memperhalusi topik-topik dan silibus-silibus peperiksaan ejen paten.

Hasil daripada menghadiri kursus selama lima hari ini, calon-calon juga akan didedahkan kepada teknik-teknik menjawab soalan peperiksaan ejen paten.

- Lagi -

Kursus ini dianjurkan pada November setiap tahun dengan bayaran sebanyak RM2,000.00.

#

Mengenai MyIPO

MyIPO, sebuah agensi di bawah Kementerian Perdagangan Dalam Negeri dan Hal Ehwal Pengguna bertanggungjawab untuk pembangunan dan pentadbiran sistem hak harta intelek (IPR) di Malaysia. MyIPO menyediakan infrastruktur perundangan yang kukuh dan sistem pentadbiran yang berkesan untuk meningkatkan inovasi dan kreativiti. Untuk maklumat lanjut, layari www.myipo.gov.my.

Untuk maklumat lanjut sila hubungi:

AKHTAR SAHARI, Ketua Komunikasi Korporat MyIPO

Tel: 012 6725667